



Broj: 11/04-05-1500/17  
Sarajevo, 24.02.2017. godine

**SKUPŠTINA KANTONA SARAJEVO**  
– ovdje–

**PREDMET:** Odgovor na zastupničko pitanje zastupnice Mehmedagić Mersihe

Zastupnica Mehmedagić Mersiha je Ministarstvu za obrazovanje, nauku i mlade, na 25. Radnoj sjednici Skupštine Kantona Sarajevo, održanoj 07.02.2017. godine, u okviru tačke dnevnog reda „Poslanička pitanja, inicijative i odgovori“, u skladu sa Poslovníkom Skupštine Kantona Sarajevo, postavila sljedeće poslaničko pitanje, citiramo:

*„Na osnovu saznanja o kršenju Zakona o srednjem obrazovanju KS od strane školskih odbora a vezano za izbor i imenovanje direktora srednjih škola, tražim od Ministarstva da dostavi sljedeće podatke:*

*- spisak svih direktora kojima ističe mandat a koji su po zakonu obavezni raspisati konkurs za izbor direktora,*

*- spisak svih vršilaca dužnosti direktora sa podacima kada su imenovani.*

*Također, tražim od Ministarstva da poduzme sve mjere kako bi se osigurala zakonitost u postupku izbora i imenovanja direktora, te sankcionisalo svako kršenje navedenog špropisa od strane školskih odbora.“*

**ODGOVOR:**

U vezi sa citiranim pitanjem, a imajući u vidu da podzakonski akt kojim se precizira obaveza pokretanja procedure izbora i imenovanja direktora kao i način i rokovi provođenja procedure izbora i imenovanja direktora srednjih škola (što nije materija Zakona o srednjem obrazovanju ("Službene novine Kantona Sarajevo", broj: 23/10 i 01/16)), ovim putem Vas obavještavamo sljedeće:

1. Srednje škole, kao javne ustanove koje su u toku ove godine obavezne pokrenuti, odnosno provesti proceduru izbora i imenovanja zbog isteka mandata direktora su:

- Srednja medicinska škola-Jezero (mandat direktora ističe 26.08.2017.) i
- Srednja ugostiteljsko-turistička škola (mandat direktora ističe 10.09.2017.),



2. Vršiooci dužnosti direktora srednjih škola imenovani su u sljedećim školama, kao javnim ustanovama:

- U Javnoj ustanovi Srednja medicinska škola procedura izbora direktora je provedena, pribavljena je saglasnost Vlade KS, ali Škola nema imenovan Školski odbor koji može donijeti odluku o imenovanju. Procedura imenovanja vršilaca dužnosti u Školskom odboru je u završnoj fazi, ankon čega se očekuje imenovanje direktora na mandatni period od četiri godine.

- U Javnoj ustanovi Srednja elektrotehnička škola konkursna procedura je provedena, ali je u toku dijela procedure koji se odnosi na pribavljanje saglasnosti Vlade Kantona Sarajevo, uočena nepravilnost. Tim povodom upućen je nalog za postupanje Školskom odboru, koji podrazumijeva da proceduru "vrati" u fazu iz koje je moguće istu provesti na zakonit način.

- U Javnoj ustanovi Srednja mašinska tehnička škola konkursna procedura se provodi, a trenutno je u fazi pribavljanja saglasnosti vlade KS za imenovanje direktora Škole.

- U Javnoj ustanovi Srednja škola za tekstil, kožu i dizajn pokrenuta je procedura izbora i imenovanja, a u toku procedure pribavljanja saglasnosti Vlade Kantona Sarajevo uočene su određene nepravilnosti, čije otklanjanje je naloženo od strane Ministarstva.


Prema ranijim uputama koje su iz Ministarstva za obrazovanje, nauku i mlade upućene svim osnovnim i srednjim školama kao javnim ustanovama, obaveza škole je da, tri mjeseca prije isteka mandata direktora, pokrenu proceduru izbora i imenovanja. U prilogu dostavljamo predmetni dopis.

S poštovanjem,

*Prilog: kao u tekstu*

MINISTAR

*Prof.dr. Elvir Kazazović*



Dostaviti:

1. Naslovu
2. Stručna služba Vlade Kantona Sarajevo
3. Arhivi



web: <http://www.mon.ks.gov.ba>

e-mail: [mon@mon.ks.gov.ba](mailto:mon@mon.ks.gov.ba)

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1





Broj: 11/04-34-34142-1/16  
Sarajevo, 23.01.2017. godine

**Svim osnovnim i srednjim školama**  
**n/r direktora**  
**n/r predsjednika školskog odbora**

**PREDMET: *Zahtjev za postupanje***

Poštovani,

Ministarstvo za obrazovanje, nauku i mlade je, nakon uvida u evidenciju imenovanja direktora osnovnih i srednjih škola kao javnih ustanova, utvrdilo da u određenom broju škola školski odbori neblagovremeno raspisuju konkurs za izbor i imenovanje direktora škole.

Navedena pojava je posebno prisutna u školama u kojima direktor okončava drugi uzastopni mandat i po Zakonu ne može biti treći put imenovan na poziciju direktora škole. Postupanje školskih odbora u navedenim situacijama ogleda se i u činjenici da školski odbori nakon okončanja konkursa ne provode proceduru izbora direktora, te na taj način dodatno krše zakonom utvrđene obaveze.

U tom smislu kao ministar za obrazovanje, nauku i mlade Kantona Sarajevo u ime organa koji vrši nadzor nad zakonitošću rada odgojno-obrazovnih ustanova nalažem prekid te prakse i zahtjevam od školskih odbora da blagovremeno raspisuju konkurse za izbor i imenovanje direktora škola. Posebno naglašavam da je neprihvatljiva praksa imenovanja direktora koji su okončali drugi uzastopni mandat na poziciju vršioca dužnosti direktora škole.


Zabrinjava i propust u radu sekretara škola koji su po službenoj dužnosti prisutni na sjednicama školskog odbora, a koji su obavezni upozoriti predsjednika i članove školskih odbora na zakonito postupanje.

Smatramo da ovakvo postupanje urušava povjerenje javnosti u rad škola i predstavlja kršenje osnovnih principa zakona, a to su principi zakonitosti, javnosti i transparentnosti u postupku izbora i imenovanja organa rukovođenja u osnovnim i srednjim školama kao javnim ustanovama.

Napominjem da ovaj akt predstavlja samo jedan korak u vršenju nadzora nad provođenjem Zakona, te da će u narednom periodu biti dodatno pojačana aktivnost Ministarstva i nadležnih inspeksijskih organa kako bi se prekinule prakse kršenja zakona i

eventualnih zloupotreba u postupku izbora i imenovanja direktora u osnovnim i srednjim školama kao javnim ustanovama.

S poštovanjem,



Dostaviti:

1. Naslovu,
2. Kantonalnoj upravi za inspeksijske poslove,
3. a/a.



web: <http://www.monks.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

